



Decanus Facultatis Iuridicae In Academia Ienensi Petrus Theodoricus I.
U. D. Et Professor Publicus, LL. Studiosis S. P. D. : Prudenter a Veteribus
dictum est honorem esse calcaer & uberrimum virtutis alimentum ... P.P.
Jenae Dominica Invocavit Anno Christi 1613.

S. l.

Theodoricus, Petrus

Phil 2° 00268/04 (078)

https://dhb.thulb.uni-jena.de/receive/ufb_cbu_00007318

urn:nbn:de:urmel-b9cc415c-b6a0-479d-814c-2c01470409453-00006679-18

Lizenz: <https://creativecommons.org/licenses/by-sa/4.0/>



DECANUS FACULTATIS JURIDICÆ IN ACADEMIA JENENSI

PETRUS THEODORICUS J. U. D. ET PROFESSOR PUBLICUS, LL. STUDIOSIS

S. P. D.



Rudenter à Veteribus dictum est honorem esse calcar & uberimum virtutis alimentum. Quamquam enim Virtus, ex Seneca dicto, magnum sui decus sit nec ullo honestamento egeat: tamen & ipsa justitia norma, quæ suum cuiq; tribuit, & salus reipublica, quæ suprema lex esse debet, exigit, ut laborum honestissimorum & virtutis suavissima didactica proponantur ac decernantur: Hisce quippe artes aluntur, studia foventur, nec solum segniores ad virtutem capeffendam excitantur oscitantia & ruditate seminibus extinctis: sed etiam strenui & diligentes eo magis inflammantur in cursu cepto ad exercendas virtutum actiones, ut nimirum citius & majori alacritate ad metam optatam pervenire possint. Etenim sicuti fruges commoda aëris tempestate liquidiores, cælo magis exuberant: ita quoq; artes & præclara ingenia benignitate & honore evocantur. Et quis quæso est, qui, si præmia laboribus suis digna certo sibi proposita esse haut ignorat, non majoris cum assiduitate, inflammatioe spiritus & cura opus aggrediatur? E contra quis obsecro erit, qui sub signa do otio & blandis illecebris ac deliciis frui, si nullum sudantibus præmium rependeretur? Et quid etiam juvaret, in tam exiguo Vitæ curriculo Scyllas, Syrtes, Charybidas ac reliqua monstra aquarum fatigare, tantis in laboribus nos exerceri, si exhaustum sudorem nulla laus, nulla gloria comitaretur? Usq; adeo verum esse videmus quod Poëta canit:

Tantò maior fama suū est quàm

Non parvis animò dat gloria vires

Virtus. Quæ enim virtutem amplectitur ipsam

Et secunda facit pectora laudis amor.

Præmia sitolla;

Et quod Ovidius ait:

Sapienti itaq; & salutari admodum consilio ab Imperatoribus Romanis institutum est, ut & in cæteris scholasticis, qui Reipublica non postrema pars meritò habentur, certi honorum ac dignitatum gradus atq; virtutis insignia decernerentur, non quidem promiscuè quibusvis, sed merentibus & iis duntaxat, qui animum virtutis studiis excoluere & quorum opera ac studio rempublicam in partibus ipsis credendis gubernari posse deprehensum fuerit. De horum virtutis cultorum numero est quoq; Eruditissimus ac Præstantissimus Vir ADAMUS HERRE WURTZENSIS. Is enim & in Academia Lipsiensi, ad quam ante undecim annos appulit, & in hac nostra Salana, tactis primis rei literariae fundamentis cursuq; studiorum Philosophicorum, quibus per integrum triennium vacavit, ad nutum suum feliciter absoluto, postea in Jurisprudentia studio, non solum lectiones publicas diligenter audiendo, auditas domi repetendo, meditando & scribendo: sed etiam in disputationibus tam publicis quàm privatis, opponendo & respondendo de difficilibus materiis iuridicis, nec non privata Collegia Institutionum & Pandectarum aperiendo gnariter & strenuè se exercuit: Cumq; Ipsum Præclarissimi Cui Arii Pinelli, theoriam sine praxi digestam solidamq; juris cognitionem præstare non posse praxinq; absq; theoria maximè periculosam & mancam evadere attestantis iudicium non lateret, juxta id quoq; ne quid hac in parte desiderari posset, juris scientiam in iudiciis p aliquod tempus negotiis forensib; applicavit: Adjutus ope & consilio celeberrimorum Virorum, quorum favorem non modò in præfatis duabus; Verum etiam in aliis inclutis Academiis, quas in transcurso visitavit, sibi conciliare studuit. In summa nullis laboribus & lucubrationib; pepercit: ut egregiam juris cognitionē feliciter haurire & exinde studiorum suorum fructū aliquando decerpere posset. Proinde fretus suis pgressionibus in jurisprudentia laudabiliter factis, ante paucos dies, se in numerum Juris Candidatorum relatum ad primum examen & ad reliqua (probat a sua industria) quæ statuta in hoc stadio currentibus præscribunt, peragenda admitti modeste petiit. Cujus honestissima petitioni sine ulla bastitatione locum reliquimus, certo die tentamini dicto, in quo textus juris sibi assignatos eruditè resolvendo, ad interrogata appositè respondendo & obiectiones dextre diluendo ita stetit, ut unanimi voto Domini Collegæ & præfatis Ipsius reliquis petitioni omnino annuendum putarint. Cujus rei gratia, ex decreto Collegii nostri, Curforia lectionis loco ad proximum diem Martis, hora nona matutina, famosissimam illam L. centum Capuæ 8. ff. de eo quod certo lo. da. op. explicandam suscepit. Ad cujus auscultationem, ut civilis ac togata sapientia studiosi frequentes conveniant & hac sua præsentia debitam observantiam erga Facultatem nostram Juridicam solitamq; suam benevolentiam erga hunc Dn. Candidatum nostrum ostendant, amanter rogo & moneo. P. P. Jena Dominica Inuocavit Anno Christi 1613.

urn:nbn:de:urmel-b9cc415c-b6a0-47
9d-814c-2c01470409453-00006679-29